



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՀԱՆԳՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ԱՌԱՋՆՈՐԴ ՍՐԲԱԶԱՆԸ ԸՆԴՈՒՆԵՑ ԿԼԵՆՏԵՅԼԻ ՈՍՏԻԿԱՆԱԿԵՏ ՈԱՆ ՏԷ ՓՈՄՓԱՅԻ ԱՅՅԵԼՈՒԹԻՒՆԸ

Հինգշաբթի, 17 Դեկտեմբերի յետմիջօրեին, ժամը 1:30ին, Թեմիս բարեխնամ Առաջնորդ Բարձր. Տ. Սուշեղ Արք. Մարտիրոսեան ընդունեց Կլենտեյլի նոր ոստիկանապետ Ռան ՏԷ Փոմփայի այցելութիւնը: Ոստիկանապետին կ'ընկերանար իր տեղակալներէն Իան Կրայմզ: Հանդիպումին ներկայ եղան Ս. Աստուածածին եկեղեցւոյ հոգեւոր Հովիւներէն Արժ. Տ. Արտակ Քիւյ. Տեմիրճեան, Ազգային Վարչութեան անդամներէն Տոքթ. Նաւասարդ Գազազեան, Տիար Կարօ Էշկիեան եւ Ազգ. Վահան եւ Անուշ Շամլեան վարժարանի տնօրէն Տիար Վազգէն Մատենլեան:

Ռան Տեփոմփա վերջերս ստանձնած է Կլենտեյլ քաղաքի ոստիկանապետի պաշտօնը: Ան Ազգային Առաջնորդարան եկած էր Առաջնորդ Սրբազանին լուսաբանութիւններ տալու իր աշխատանքներուն մասին, որուն համար կը կարօտի նաեւ հայ համայնքի առաջնորդներու եւ պատասխանատու շրջանակներու աջակցութեան: Հիւր ոստիկան պատասխանատուները խօսեցան իրենց աշխատանքին ընթացքին Կլենտեյլի բնակչութեան, ի շարս որոնց՝ հայերու հետ իրենց դիմագրաւած հարցերու մասին, ընդգծելով, որ այս ծիրին մէջ կը խնդրեն համայնքի պատասխանատուներուն ու զաւակներուն գործակցութիւնը:

Առաջնորդ Սրբազանը շնորհաւորեց ոստիկանապետը, անոր յաջողութիւն մաղթեց իր նոր առաքելութեան մէջ, միաժամանակ ընդգծելով, որ հայութիւնը միշտ ալ ընդառաջած է իր քաղաքացիական ու քաղաքացիի պարտականութիւններուն: Ան նաեւ յիշեցուց, որ Ազգ. Առաջնորդարանն ու հայկական շրջանակներ պատրաստակամ են գործակցելու ոստիկանութեան թէ այլ պատասխանատուներու հետ, պահպանելու համար քաղաքին անդորրութիւնն ու բարգաւաճումը: Վերջապէս, համաձայնութիւն գոյացաւ սմանօրինակ հանդիպումներ կրկնելու մասին: Այս ծիրին մէջ, կը նախատեսուին յաճախակի հանդիպումներ՝ ոստիկանութեան ու հայ համայնքին միջեւ:

PRELATE WELCOMES GLENDALE POLICE CHIEF

On the afternoon of Thursday, December 17th, H.E. Archbishop Moushegh Mardirossian, Prelate, welcomed to the Prelacy Glendale Chief of Police Ronald L. De Pompa, who was accompanied by Lieutenant Ian Grimes. Participating in the meeting was Rev. Fr. Ardak Demirjian, Executive Council members Dr. Navasart Kazazian and Mr. Garo Eshgian, and Principal of Chamlian School Mr. Vazken Madenlian.

During his visit, De Pompa, who was recently appointed Chief of Police, spoke of his responsibilities and of garnering the support of Armenian community leaders and members. Chief De Pompa and Lieutenant Grimes also shed light on their service within the Glendale community and on challenges they face.

The Prelate congratulated Chief De Pompa and wished him success in his new position. The Prelate asserted that the Prelacy and the Armenian community are ready to collaborate with the police department for the betterment and advancement of the community. The meeting concluded with an understanding to have similar meetings in the future between the police department and community members.